



毛詩名物解卷之十一

宋蔡卞元度

集解

釋蟲



蟻

蠅

蠨蛸

蠋

蜂

蝻

騰蛇

蛇

虺

蚺蛇

蚺蛆

蟻

莊子曰道在蝼蟻。有君臣之義故其字從義。繁露曰人者仁也我者義也故其義字亦從我。記曰城子時述之其字從我是也。書曰王麻冕黼裳。卿士邦君麻冕黼裳。明王於此斷恩而蟻裳。又言中君注之義也。詩曰鶴鳴于埭埭蟻城也。蓋蟻將雨則出而壅鶴也。

鳴見之長鳴而喜異林所謂蟻封穴戶大雨將集是也一名蟻封傳曰蟻封盤馬孟子曰太山之於丘垤趙岐曰垤蟻封也莊子曰於蟻豈棄志於魚得計於羊意棄言慕之與徒慕之皆不可焉也故至人之計在於物我無忘其藏也不厭深眇而已矣又曰得時則蟻行失時則起蟻行遠近有需序而不速君子得時其無而進如此夏小正曰玄駒者蟻也方言曰梁益之間謂之玄駒莊子曰鰲之冠山蟻之戴粒其於逍遠一也此即南華鵬鷗之義言小大雖殊而理於至道容勝負於其間哉

蠅

蠅婦交其前足有絞繩之象故蠅之字從繩省準生於此蠅生於繩其義一也亦好交其後只翅自扇故爾雅曰蠅醜扇也段氏曰蒼蠅聲雄壯者青蠅聲清聒聲皆在翼又曰青蠅猶能敗物蓋青蠅善色蒼蠅善聲故詩以青蠅刺讒而東方未明曰匪難則鳴蒼蠅之聲也一章言耳聞疑而起也二章曰月出之光言目似而起也青蠅首赤如火背若負金蒼蠅又其大者肌色正蒼今俗謂之麻蠅傳曰以水致蠅蓋蠅逐臭者喜暖而惡寒故遇水輒側翅遠引所謂夏蟲不可以誅冰者也類從曰蠅生於灰蓋蠅隨水溺死以致灰中漬史即治淮南子以謂爛生蠅正謂此也

蠨蛸

釋蟲云蠨蛸長踦蕭梢長踦之貌以名云樸口今之
蜘蛛長股者俗呼喜子亦如蜘蛛布網垂絲着人衣
裳有親客至荊州河南之人謂之喜毋陸子曰乾鵠
噪而行人至蜘蛛信而百喜 蓋謂是也詩曰蠨蛸
在戶

蠋

大蟲如指似蠶一名兀詩曰條華金兀金取其堅兀
取其完也又謂蝟蝟者蠋烝在素野言蠋以絲自裹
又久在素野雖蠋而已然其自喜營也完也詩以此
托况而叙曰一章曰其完也韓非子曰蠶似蛇蠶似

蠋人見蛇則驚駭見蠋則毛起婦人拾蠶而漁者握
鱧欲人利之所在皆為賣膏莊子曰奔蟬不能化藿
蠋以言才之有大小管子夫龍欲小則化如蠶蠋此
言龍化如蠋而已然抱朴子以為有蛇蠋化成之龍
意者天下有自然之龍有蛇蠋化成之龍乎故曰或
生而知之或學而知之及其成功一也

蜂

蜂有兩衙應潮共主之所在眾蜂為之旋繞如衛誅
罰微令嚴有君之義化書曰蜂有君臣毒其在尾垂
尾如鉞故字從鋒省傳曰蜂蠆垂芒此之謂也詩曰
采芣苢蜂自求芣螫芣螫史人為辛螫之譬也言蜂

善卒蟄藏精育毒雖小不可不慎爾雅曰蜂蟥螫蟻
垂腴也一名蠶其形象蓋蜂類衆多動以萬計故借
為萬億之萬舊說數人以千數物以萬莊子曰號物
之數謂之萬抱朴子曰雞有專棲之雄雄有擅澤之
驕蟻有兼弱之智蜂有攻寡之計援理觀之人之一
強弱相欺衆寡相攻何以異此是故齊與魏鬪而莊
周以為戰於蝸角也

螽斯

螽斯之不知忘一母百子故詩以為子孫衆多之况
鵲言夫人德如鳴鳩能均養七子而已是詩乃稱
后妃之子孫衆多如此者蓋太姒則百斯男者文王

之所以聖也文王之所以聖者天道也召南則人道
而心何足以螽斯一名春黍或謂春箕並本疏曰蝗
類青色長角長股鳴者也或曰似蝗而小黑股有
文五月中以兩股相切作聲聞數十步者是也詩曰
五月螽斯動股言螽斯股成而奮迅之也爾雅曰春
醜奮蓋於是時股成而奮迅之方春尚弱也故列子
曰吾乃堪秋蟬翼新春螽之股蔡邕月令曰其類乳
於土中深埋其卵江東謂虵蝻蓋害田穉公羊傳曰
蠖何以書記災也域何以書記異也字蓋從冬終
也至冬而終故謂螽也

蟻

騰蛇龍類也雄鳴於上風雌鳴於下風而化能興雲
霧而游其中慎子曰騰蛇游霧飛龍乘雲是也荀子
曰騰蛇無足而飛鼯鼠五技而窮言鼯鼠之技雖多
不如騰蛇之結於一也故窮墨子曰靈龜近灼神蛇
近暴傳曰靈蛇
超世拔俗委蛇萬物

蛇

魚屬連行詩曰委蛇蓋取諸此傳曰退食自公委蛇
委蛇謂從者也衡而委蛇必折故序言正直洪範三
德曰正直直中德也其行委蛇以其德在剛柔之
中太史公曰大直若屈道同委蛇有是哉此之謂也

舊說蛇盤向中壬北方也周官曰龜蛇為旒先儒以
為蛇象其折難避害蓋龜甲者也而蛇擊前則尾
應擊後則首應自腰擊之則首尾俱應有兵之象故
龜蛇合體謂之玄武易曰一陰一陽謂之道而立朔
者道之所在陰陽之理具然舊說牛以鼻聽蛇以目
聽語曰蛇龍虎鬪其以此乎

虺

虺狀似蛇而小名為虺弗推為蛇奈何以此故也正
月之詩曰哀今之人胡為虺蜴蟲一名頓博三寸首
大如臂舊說蝮蛇毒在首尾螫手則手斷螫心則足
斷蛇之尤為毒烈者也一日蝮與虺異虺如赤色所

存者之殘蛇鼻反其上而斜錦文衆蛇之中以獨胎
產生漸拆裂母腹字從腹其以此字亦有與蛇同色
也

蜎蛇

蜎蛇尾圓無鱗身六班文如故暗錦緞難死似鼉行
地常俯其首騰隨日轉上句近頭中句近心下句近
尾南人之俗取其騰入藥即以線合其瘡縱之後遇
捕者輒自見金瘡以明無膽亦其智也

螂蛆

爾雅曰蒺藜螂蛆廣雅曰螂蛆蜈蚣性能制蛇卒見
大虺使緣而咬其腦莊子曰螂蛆甘帶是也今俗謂

之百足魯連百足之蟲斷而不蹶則其所恃者衆也
一名蛭方言曰馬蛭北燕謂之蛆蟻有大者謂之馬
一名商距在子使蚊負山商距馳河

如棗其小者尚如蠶蠟行輒有光正月宵行以此故也詩傳曰熠燿燐也燐螢火也先儒以為老祀生火血久為燐燐非螢火誤矣蓋燐者微光之名故此兩者通謂之燐廣雅曰景天螢燐也而古今注亦以謂螢食蚊蚋一名夜火一名宵燐一名燐然亦螢火明矣崇有論曰烏無胃而生螢無胃而育

蟋蟀

蟋蟀似蝗而小善跳正黑光澤如漆一名蒼一名促織語曰促織鳴懶婦驚有悉率之義故曰蟋蟀之道也曹者而迫晉儉而勤故曰一以蟋蟀一以蟋蟀刺之詩曰蟋蟀在堂歲聿云暮在堂九月之時也九月

健戍於文禾午如年歲戍為歲一章曰職思其居言於行思其居也二章曰職思其外言與內思其外也三章曰職思其憂言於樂思其憂也序所謂憂深思遠有克之遺風此也詩曰十月蟋蟀入我床下言蟋蟀微物也猶知隨時可以人而不如乎故曰物有微而志信人有賤而言忠也傳曰蟋蟀之蟲隨陰迎陽一名吟蛩秋初生得寒乃鳴

蝓蟻

蝓蟻一名蝓娘爾雅所謂蝓蟻蝓娘是也黑甲翅在甲下五六月之間經營穢場之下車是糞丸一前挽之後推之若僕人轉車丸之輒羽化而尸解仙去也

莊子結蟻之智在於轉丸夫以蜘蛛結蟻之智也尤
知能布網轉丸則萬物付之自然各有解矣此莊列
之徒所以欲惧工倕之指也淮南子曰周鼎著倕而
其指以明大巧之不可為正謂是歟故抱朴言蟬潔
饑不如蟋蟀穢飽故曰顏簞瓢有以輕猗頓之富

阜螽

爾雅曰阜螽蟻 負蟻蓋草蟲鳴阜螽躍而從之故
阜螽負草蟲謂之負蟻也詩曰嘒嘒草蟲趨趨阜螽
言大夫妻求而進疾於聽從如此扶杜亦云者蓋言
赫赫南仲薄伐西戎故從役之大夫婚姻得以及時
如召南之世也豈特大夫而已蓋其下者歸亦時得

此章在前

及婚姻祭 祀蠶耕之事故曰春月遲遲徐於子夷

蟻蟻

爾雅曰蟻蟻蟻蟻蟻蟻一名蟻蟻本草亦曰一名蟻蟻
舊說蟻蟻蟻蟻蟻蟻生於木中內外潔白蟻蟻生糞
草中外黃內黑亦或謂之蟻蟻是也大者如足大指
以背行乃駛於足造化權與曰蚘豸腹竄蟻蟻背行

蛾

博物志曰食素者有蛹而蛾蛾類皆先孕而後交蓋
蛹者蠶之所化蛾者蛹之所化荀子曰蛹以為母蛾
以為父是也一名蠅蛾一名羅孫矣爾雅正義謂蠅
是雄蛾是雌羅雄蛾雌似黃蝶而小其眉勾曲如畫

詩以陸言莊姜今一種善拂燈火夜飛蛾一名慕光亦其類也

蠶

爾雅曰國貉蟲蠶璞云今呼蛹蟲為蠶廣雅曰蛹土蠶蟲也舊說蠶為蠶身乳子已蠶化而成蛆俗呼為子入土為蟬爾雅曰強醜將即此是也群飛草上好以手捋其鬚其物稍強因名之蠶蓋蟲之知聲者也

蝶

蝶粉翅有須一名蝴蝶列子曰蝴蝶胥也鳥足之根為蠶蟄其葉為蝴蝶嘗見園蔬其葉為蝴蝶者有三分二已蝶矣其一尚菜也干寶曰稻成蠶麥成蛺蝶

豈虛語哉

莎雞

小蟲黑身赤首一名樗雞一名天雞爾雅曰翰天雞蓋其鳴以時故有雞之號詩曰六月莎雞振羽言於是時莎雞羽成而振迅之也草木疏曰如蝗而斑色毛翅數重其翅正赤六月中飛而振羽索索作聲為州人謂之蒲錯古今注曰莎雞一名絡緯謂其聲如絡緯也俗云絡緯雄鳴於上風雌鳴於下風而風化

蜩

蜩蟬也聒也應詳以無理則用口而已然其聲調而故緝故謂之蜩五月鳴謂之蜩以其聲也七月鳴蜩

之蟬以其生之寡特形之單微也螻蛄所化蝸蟥有文故或謂之蜻蟥無穴或謂之夷詩曰如蝸如蟥大而蟥小言其詳而無理蟥言其夷而無文

螟蛉

螟蛉者蟲之感氣而化者也然所化必以類故惟桑螟為能取之以為己子君子之於民亦類也苟有道以得之孰不為化哉詩曰螟蛉有子果羸負之則能以氣其類者也故譬則君冥者無知令者有以從無知則有從所以能化於物也故譬則乘之為物其氣腴白螟蛉有以氣化故其氣清

蜴

蜴蝶蟾也其似類多而所生異蓋在陸者蟲屬在水者魚屬蝶蟾在汙澤者也或謂之蛇醫守宮祝蜓在野者也蠶蟾蠃在室者也然蜴非常侯蛤蚧者也二者大而能鳴蜴非能鳴也正月云哀今之人胡為也蜴言徒陰伏蕩不平之氣而不能有聲

蝨蟻

蝨蟻乘蟲也乘質柔腴白蝨蟻食粟之腴故色白而體柔

熠燿

熠燿謂之磷幽陰之血化而為磷者也言各而不能廣也其本之腐草化而為螢螢者火化之細者也

非^此也萬物以情動故物變於外而情動於內東山之民所以見鱗而有懷役於思而畏其所忘故曰不可畏也伊可懷也

蜉蝣

蜉蝣輕也朝生而暮死故謂之渠略生於夏之月陰陽氣之卑濕而蜉蝣者故其為物不實而小曹君無篤實之德而從其小體若此刺其甚矣

毛詩名物解卷之十二

毛詩名物解卷之十三

釋魚

鱒

鯉

魴

鼈

龜

宋蔡卞元度

集解

鱒鱖也人能以魴節而必取之也不以法度則不足以得之故必以後^謂之數九^謂是也

鯉

鯉易得之魚甘而無毒足以養人者也故字從里衡門先魴而後鯉先其至美者也魚麗言萬物咸多故自其父得言之先之以鱒^謂鯉次以魴^謂鯉潛言供饗獻

之物曰其大者言之鱸鮓次之以鮓鱸又次之以鯉
鯉大而至於鱸小而至於鯉此潛之所謂多也

鮓

鮓寡力而易困者也勞則尾赤以寡力之性而又勞
矣其易困也尤甚於汝墳喻商涇憔悴之民禮物行
其正則美而無思魚陰物鮓為至順故為味肥甘而
衡門有至美之意以不可必得者也以鮓之幽陰則
喻其居之靜以鮓之柔順易制而肥甘則喻齊女之
美鱸不可多得之魚故字從嘗與直從且同意惟其
甘而不可多得之魚且能盛多此魚麗所以首言之
也鱸鮓固美矣多得故美不足以言而已多為貴詩

曰旨且多言其旨而又多也鮓鯉固多矣而陰陽一
有暴戾之氣則不美矣故多有不足以言而以美為
其詩多且旨言其多而又旨矣鯉鯉故多矣而又美
取之為易食之而甘旨也多也皆不足以言而以時
取之為貴詩曰旨且有益不時足以為有也春行羔
豚夏行膳脯秋行犢麋冬行鱸羽蓋性至此而後定
則食之皆所以順時氣故有得之而致美字滋味也

鼉

鼉從龜腹大之刑鼓腹大而鳴之而遠聞故謂之鼉
鼓鼉善鳴者也

不駮有禱意驪蒙骀也膏覃字驪青驪驎也驪文若
鬣騏若基驄若葱駮若霞駒若的騶馬黑鬣也赤黑
也以赤黑為得其正邪而不行驕黑馬白勝也白黑
鬣也為子勝母雖黑馬白鬣也為母勝子乖異之道
故皆從各母從子者也勝為上逆故又從佳聶後只
白也右震也震為作足又為聶足其為作足陽也其
為聶足陰也陰不動故為後左白者陰也二者陽也
當震之時陰不違陽也故二焉與白同意

毛詩名物解卷之十四

毛詩名物解卷之十五

雜釋

泉 丘 風 慶 賢人君子

雜解上 雜解中 雜解下

泉

泉水之上出也故以喻政令下泉是也沈泉不正
之泉而物所病也故言灌穰薪極泉正出之泉而物
所生也故言采其芹秩斯干德澤之流有叙也澧
水東注順理者也漉地北流逆理者也泉源水所出
而往在卑也湛水泉所歸而在右尊也此尊夫卑已

宋蔡卞元度 集解

者也。洪岸所以自防，隄有洋洋所以自難。此海而反正也。

丘

丘者地之高而中者也。高，臣德也；中，臣道也。黃鳥不得中阿之屈，以容則庶得丘隅。丘側之苟可以止，此大臣遺忘微賤者。楊園之道倚於畝，丘楊生於卑濕，微臣也。畝，丘大臣也。以言讒之所搖，常自卑以及高，邪之所躡，常自下以及上也。旋丘前高後下，以言衛自有初而無後，冢丘四方高而中央下之丘也。以言陳有外而無中也。無後謂不能救亂也。無中謂茫而無守也。阿，丘偏高山，而以采蠶憂傷故也。丘中不平

之地而猶麻麥，字字者言盡地以富之。此思賢也。

風

凡曰風則又以為和，又以為暴。自和而言之，有凱風清風、谷風、有暴而言之，有飄風、終風、匪風。凱以言其樂之情，清以言其微之意，谷以言其和容之道。孝子慰母心者，情也；故樂長養之仁，以盡其禮。吉甫作頌者，言也；故歌仁言之微，以動其意。谷風習習和意，陰陽和則雨也。然天之道不能常和而欲責人之也。常和盡人之歡，竭人之忠。此夫婦之所以道絕也。故谷風有以言夫婦，有以言朋友。終風暴風而不此者也。故三豕食糶而且曠，北風威雪而所謂為威

管也於心動之者風也揭乎飄乎匪風也泉流而有迹故下泉言思治也風動而無形故匪風言思道也飄風發之政令急也卷阿亦曰飄風者君如卷阿之究則賢如飄風之疾至矣

憂

憂痺病也蓋氣不舒則惜血不榮則痺痺者憂之見乎色也傳曰形容枯槁顏色憔悴蓋顏色黎黑而肌肉黧黧則憔悴矣顏色羸瘠而膚革病瘦則憊矣凡此以憂也夫憂之於人也聲發於嘯歌液感於涕泗氣散於永歎形疲於假寐夏長之不能消之於晝夕之久不能消之於夜采薪之丘而內有不能治植萱之

背而外有不能忘其苦也有至於荼其毒也有至於藥以實則為噎以虛則為饑以為物所攫則如信以為物所中則如搗以昏則如醉又至於如醒以煩則如快又至於如薰其懸也如旌之搖其屬也如旗之之爽其烈也如湯其慘也如陰衆焉則隱又懸獨焉則惛又至目之為昏花也而有莪蔚之眩耳之為所熒也而有雷霆之聾以病其體膚則心為之使痲以哀其遠也則身為之用老則憂之害人見於詩多矣豈特顏色之瘁而已哉

賢人君子

凡言君子言忠臣言德言賢言君子何也相與言慶

其居之也故所憂不能愬然志受侮不肯翻然去此
仁人者也北門忠其居之至故屢負推搯之下不憚從
事已迫而不去以其不可如何而歸之天此忠臣者
也人實廷女則忽之無忠臣者也人實不信則忽之
無良士者也鹿鳴有群臣有忠臣有嘉賓何也合而
言之則所宴莫非臣也別而言之則示我周行者忠
臣也是則是效者嘉賓也羊未至於德之充也德未
至於賢之盡也免置杯之丁丁而施之於中遼中林
言德之隆於始也此莫不好德者也趙武夫公侯
干城而至于好仇腹心言賢之有大於初也此賢人
衆多者也簡兮之多能而言力如虎之武鸞如組之

柔藝執箠齋秉程而不改其赫如渥赭之容此所以為
賢也考槃之窮處寤言至於歌之樂寤言至於小之
安然後憂其居而不能自己也故永矢以絕之此所
以為賢也善人淑人以可欲言之也美人淑人以充
實言之也恭人以禮言哲人以智言君子合仁智而
言也君子以有德有位也良人不為惡而已吉人不
為凶而已崇公所與教者也黃耇所乞言者也老成
人重於典刑者也文王之聖所獨也惠於宗公所同
也宗公人謀也人謀從則鬼謀從故神罔時怨神罔
時憫

雜解上

信足以待諸侯猶柝械之固葉義足以制諸侯猶鞶
纓之維舟鞅韜士服也服士服而作六師所謂命也
鞞琫有珌諸侯之服也所謂爵也歲者歲其過戒者
戒其不及宣王銳於始而怠於終故庭燎之初歲其
故以見於小雅常武之後戒其不及以見於大雅欲
則易求則難欲在意求在心欲而不求者有矣未有
求而不欲者也孔子曰我欲仁斯仁至矣五美以為
政欲仁者也輕國以避祀非求仁者不能也詩之辭
於國之富每言馬於物之微每言魚蓋馬賤者也魚
微者也言賤以致貴言微以致著聖人天道之與物
交者也神人天道之與物辨者也大人天道之與物交

者也至人人道之與物辨者也親天屬也據以內恃
者也賢人屬也依於內輔者也謀欲其國大故曰厥
家戒欲其慎小故曰厥土先王使有警在庭者以其
聽之審因其能而食焉雖良不廢也崇牙有至物之
意而南方禮樂之會羽南山之屬文王始造者也故
其文德昭於始武王續終者也故其武功昭於終文
王倡於上武王應於下文王傳於上武王受於下評
之而後明思之而後得酌先祖之道元師之謂矣以
養天下爾公之謂也

雜解中

失性以天言失所以地言由之者失其道居之者失

其理言者禮之樂樂者樂之樂藻之為物潔蒲之為物柔擾於藻依於蒲彫如木之雕琢如鳥之啄以天命言之不可易也故太伯讓以天性言之不可忘也故王季能友

雜解下

鹿鳴之燕樂主君臣言也皇華之忠信臣道也燕樂之言言其所交忠信以言其任四牡居二者之間所以備君臣之道師父道也采芣道也傳天道也文以教之毋以生之傳以扶之裁猶裁者之裁衣範猶範者之範器圍猶圍者之圍所君子義以為質仁以為心禮以為體信以為身身之者信也假之者偽也惠

公之驕僖公之願所謂無禮以體之也

毛詩名物解卷之十五

毛詩名物解卷之十六

宋蔡卞元度

集解

雜解

天命帝命解

天說

舞

小星北門解

佩玉解

天命帝命解

詩言天言帝言天命言帝命何也無為而在上一而大者天有為以應下動而諦者帝也言天則尊而與人道辨言帝則近而與人道交帝之於天如聖之於神名其功用於天地之間故曰帝也易自震言之曰帝言帝也者萬物之主也自物而言之則帝出乎萬

物者也。自帝而言之，則帝親乎人者也。故詩云：「天
命靡常，天難諶斯。」天作之合，天立厥配。三后在天，言
對越在天，克配彼天，以其藏于不可知之間而遠者
也。允言帝命不時，帝度其心，帝謂文王，帝省其小，帝
遷明德，帝作邦，作對者以其顯於所可見者之際而
近者也。詩言「天命玄鳥，則出於理之不可而言之也」
合而言之，則天者帝之體，帝者天之用。酌言「皇天親
有德，享有道，民之父母，民之攸歸，有德也，德有形，故
言親，民之攸墜，享有道也，道無形，故言享，蓋天聰明
自我，民聰明而民所受，則天所親也，民所仰，則天所
享也。皇天言其道，蒼天言其色，昊天言其象，昊天言

其情上天言其位

天說

北曰「上天者精微之天也」，故詩言「無聲無臭，則稱上
天文王之詩是也」；南曰「昊天者廣大之天也」，故詩言
「無極無盡，則稱昊天雨無正之詩是也」。爾雅曰：「春曰
蒼天，夏曰昊天，秋曰旻天，冬曰上天，東木敷則天遠，
而蒼西金斂則天近，而閔故蒼天言其遠，則旻天者
適矣，夏南交則天降而下，冬朔易則升而上，天言其
高則昊天者下矣，天之所以為天，縱則有高下，橫則
有遠近者，因時而已矣。夏曰昊天，則春於昊天為大，
秋曰昊天為少，可知矣。蓋東帝（太）為昊，西帝言少昊，其

天亦如之春於是大故東方亦曰昊歐氏以為春日
昊天夏曰蒼天是也秋冬昊為少故西方亦曰昊天
淮南子曰西方曰昊天東方曰蒼天是也秋曰昊天
則春怒生夏樂育可知矣夏假也故其天為昊秋愁
也故其天為昊至冬則終而無事在上臨下而已故
曰上天也上天之天蓋牡北方之所在故其天之其
帝紫玄正黑色而含赤紫明色也赤而含黑故南方
之赤入北而為玄所謂三入為纒五入為玄也北方
之黑出南而為紫所謂火尅金為紅水尅金為紫是
也火上生而為玄之陽也故天北玄而為始水下克
而為紫之陰也故帝北紫為極列子曰清都紫微鈞

天廣樂帝之所居而傳云紫微太微之座太乙常居
是也紫微言其色太乙言其數在紫為微則色之至
也在太為一則數之至也淮南子曰中央曰鈞天東
方曰蒼天南北曰變天北方曰玄天西方曰幽天西
方曰昊天西南曰朱天南方曰炎天東方曰陽天亦
所以名見之也蓋東方曰變天則由土化火葦水因其
所為天可知也西北曰幽天則東陽西昧南明其所
為天可知矣火曰炎天則木曰溫天可知也東曰陽
天則西北曰陰天可知矣言玄則纒可知矣言朱天
則白可知矣

先王之制舞文以羽籥武以干戚蓋羽容也籥聲也
聲名以昭之文物以紀之文也故於文舞用之干以
捍其內戚以誅其外者武也故於武舞用之此大舞
也干與戚並陳羽與籥兼用若夫少舞則干而已無
戚也而舞師所謂教國子以少舞而有曰干舞也羽
而已無籥也而舞師以謂國子以少舞而有曰羽舞
也文舞所以有羽而無籥武舞所以有干而無戚者
何也曰象文德之小者以為儀而已故止於羽焉象
武功之小者以為捍而已故止於干焉蓋干武舞之
小者而大舞謂之萬羽文舞之小者而大舞謂之籥
萬者衆之至也籥者和之至也易曰以此毒天下而
民從之則仁不足以善群義不足以得衆非先王所
以成文武之道也以武為毒天下則知文為和天下
籥聲也萬數也聲陽也數陰也文德以陽言武德以
陰言故先王制名法之

小星北門解

允莫之為而為者天也莫之致而致者命也北門之
忠臣不得其志者天也故曰天實為之謂之何哉小
星之賤妾而知貴賤者命也故曰實命不同實命不
猶君子之義合則從不合則去

毛詩名物解卷之十六

毛詩名物解卷之十七

宋蔡卞元度

集解

雜解

草木總解

草木總解

艸可食葉苦不可食葍也菲也不能常美人之所不能常善者也荼苦也有曰如蘇有曰如荼皆甚美而為之辭也菽微而采之有以負之筐方之筐者也會諸侯以禮數者也艸葉以為植微者也兔首以為羞薄甚也而禮不以微薄廢者也甘瓠艸累膠而止行成其之實也瓠瓜之小者也而綿綿能大者文王紹

太王而興者也瓜在疆場無曠土者也蒿也芩也鹿
之食也而芩不若蒿之大而蒿不若芩之美禮有加
也莪蒿之細則難辨者也莪蔚之大則易辨者也蓼
莪之思彌深而易辨者猶難辨也東芑之菜也方其
始則采於新田以新田為不足而及於舊畝也世未
嘗無士也亦新美其材而收取之若舊畝之芑可也
有芑之草也物之微也豐水東注言其順物之理乃
能立法也故曰皇王維辟也豐水有芑言其順物之
理乃能貽謀也故曰以燕翼子也莫不有待於霜而
成者薰葭蒼々漸至于采采尤待霜而成者也團詩
禮而後同也葭莪揭々亂也葭也蓬也始而生則蒐

田時也葛也藟也澹澹潤之而後蕃也澹也澹也葛
藟纏而後固者也王室多難不可以相無者也始河
之澹中河之淡卒河之澹地之愈危彌不可無葛藟
之纏固也葛藟縈於樛木則衆妾附后妃之仁而進
此逮下者也葛藟施於條枚而子孫緣先祖之功起
此受祖者也葛寄松柏而生者也蘿縈松柏而生者
也葛蘿同姓松柏王室也同其存亡者也卒曰松則
上引之彌高者也萋楚材之柔不能自立而可扶掖
以成其枝華也人有不能以欲故也之子無家無知
無室豈有樂之者疾其人之欲故也芑蘭柔而蔓依
以自立者也人不能者以驕故也佩觿雖文而不我

知無知人之道也佩鞮雖武而不我甲無長人之德者也知人君德也山有扶蘇也喬松也隄有荷華也游龍也上下各得其宜而怨之所美乃非美者也子都容之美也子充德之美也茹蘆色之可染者也以禮則平易故曰東門之墀墀者男子之所以行禮也棠棣之華下言東門之栗栗者女子之所以行禮也棠棣之華桃之華薜之華凡以喻色也棠棣之華華如桃李華而實者也桃李而實有實家室之所以成德也實而萎萎家人之所以庇陂之失道也薜朝華而暮墮非可恃者也此匆匆之無助者也凡木曰華草曰榮榮而無實為英薜先曰華而後曰英喻無實也水生仁

者也林為君者也積仁以能蔽者也樛木屈而下垂而葛藟得以纒甘瓠得以纒者仁之下屈者也棠棣華所覆者鄂鄂所承者華而韓、然天性也兄弟相友亦天性也杖杜木大而時生尚有葉以蔽者也而杖杜有以刺獨居而無兄弟者也有以刺不求賢以自輔者也有以征夫之情而自傷者也甘棠勿翦至於勿伐愛之至也然甘棠者教也惟其教之明是以愛之至若夫化則化有所至而愛有所忘者也梅先衆木而花實者也梅先時則男女不可以不及時者也萋於楚則微而猶可刈者微者亦成材也樸藪於林猶充陵賤者禮所以自防而不可以微賤薄廢者

也艱堅而木之難長養者棘心至於棘薪則長養劬
勞而後成者也榛所以養也苓所以治也養譬則德
也治譬則能也德在乎上故曰山有榛也職在乎下
故曰隰有苓也此衛之賢者又多能而苓之下苦者
也南山有臺北山有萊則前後皆得賢而其臺大者
臺萊徧於山之上下以為蔽者也此言邦家之基也
其葉有攤而幽且沃者棗也其椹下垂而完以華者
楊也以其為山蔽飾故以此言邦家之光也杞之實
可以療李之實可以食故以此言民之父母也栲之幹
高大而車以為輻杙之名櫓而古以為弓其堅以大
也故於此言遐不黃耇也枸則生而茂以堅梗則久

而益不朽為其可傳於後世故於此言保之爾後此
其得賢之效也凡山之高隰之下莫不有材以為貴
也山之樞隰之楡不以皆美才亦足以庇覆而子之
裳衣弗曳弗婁車馬弗馳弗驅何也山之栲即樗而
其葉茂隰之杙即櫓而其才堅猶以為崇觀而子之
庭內弗洒弗埽鐘鼓弗設弗考何也山之漆可以為
器隰之栗可以為禮而子之酒食不鼓瑟而喜樂以
永日何也車鞿則美有車馬禮樂侍御之好故曰阪
有漆隰有栗漆可以用栗可以食而阪隰之類以為
飾者不若桑楊之美也故卒曰阪有桑隰有楊條所
謂栢梅所謂栢也條梅尤終南之文飾者也居夫飾

衣狐裘顏如渥丹則雖文以服飾以容而宜實以君
之德也故曰其君也哉戒之也幸使之壽考不忘勤
之也杞棘木之堅剛者也桐椅木之柔令者也君子
德欲剛儀欲柔故於杞棘言令德桐椅言令儀令
儀無於無實離也桐椅以譬儀之柔令者也生於朝
陽則以見君之下賢不以令之柔而必以德之溫厚
也松栢葉美材茂本堅而久者也自天保福祿而下
之至於竹之苞松之茂又本久而固者也自福德澤而
下之至於松茂無不爾或承德蔽廣而久者也竹虛
而節直而和者也淇澳德也綠竹行椹撲附而生者
也椹撲之為薪材微而用大此官人者也椹撲者莖

如荆葉如著木之微者也而在旱麓濟濟能盛者以
見流澤之挺此受祖者也柞棫之堅也文王之德至
於柞棫矣則柔者可知故昆夷駘矣大邦畏其力虞
芮質厥成小邦懷其德也柞棫之枝猶堅以固者矣
王公於諸侯待信義而後固者也故采菽信以結之
使如柞柔之附於枝義以制之使如緋纚之維其舟
也檀木之堅而美者也谷禾之散而惡者也杞不如
柔之未固者也柔不如檀之堅強也將仲子里也
牆也園也而戒之以無踰以言無侵我之家事也杞
也柔也檀也而戒之以無伐以言無害我之兄弟也
始於王卒於檀以見養人愈強而愈不可制也柳之

條柔而不可折以樊圃也椒之實蕃而遠條盛則木
衰者也王之揚之水而不能流東薪至於東楚東蒲
之彌輕以見王愈弱不能為也鄭之揚之水不能
流東蒲至於東楚東薪以見臣愈強而不可令者也
不能為罪在上故刺其上也不可令罪在下故閔
其上者聖人言詩而終於鳥獸小木之名蓋學詩者
始乎此而終由此以深求之莫非性命之理道德之
意也

美刺總解

美與嘉者至善之謂美至美之謂嘉美不足以盡其
善而后有嘉召伯之甘棠武公之緇衣善之至也成

王假樂美之至也閔之與刺者有所不忍謂之閔欲
其知之謂之刺蓋閔者惜其如此而後形之於惻隱
之心而刺之者譏其如此如針之刺物欲其知也漆
洧刺亂而為亂者作也出其東門閔遭亂者作也雖
知刺尚喜其知而閔則惜其去也而不可復何其知
其如此白駒刺宣王之不用賢黍稷閔周之顛覆是
以知其如此也至於箴疑於規誨疑於諉而戒近於
勸蓋箴者以其有所不可為不可為而為此其所以
箴之使不為也庭燎之詩始則美之終則刺之箴者
何也美者以其有可為箴之者以其有不可為也勉
於視朝勤於從民此之謂也可為箴之者以其從政

之失乎此之謂不可為知視朝從政而不知視朝從政之禮厚其始不可以無美要其終不可以不歲也歲之不從而後規之規者正圓之器也有亂之道而使之不亂此所以為規汚水是也規之而不從而後誨之者每事而言以教之也故鶴鳴於九臯聲聞于野此教之脩德也魚潛在淵或在渚此教之治民也它山之石可以為錯此教之用賢也誨之不從而後刺之以見善之日退不善之日進惟其善之日退不善之日進此聖人序詩所以次其輕重之次也然而戒者以其有可戒之道勸者以其有可勸之理戒其所可戒卒其無戒公劉召康公之戒成王也公劉者世之

甚微成王者世之甚盈舉其甚微而著其甚盈此公劉之所以作也終南之戒襄公以其有土地之廣車服之盛而怨其德之不足以稱故詩曰終南何有，條有梅欲其德之宜於服也故其所可戒成王卒至於治平而襄公終不失其德故曰卒乎無戒則其所可為而勸之以善隱其雷勸以義也見其所可為而後勸之以義式微勸之以歸也見其可歸然後勸之以歸故曰見其所可歸而勸之以善此戒之異乎勸也至於誘者謂其心有是端而以言引而進之此之謂誘衡門誘僖公也至於思則近於念憂則幾於懼哀則同於傷蓋思望於其心而已念者又思之至也

下泉之思治丘中有麻之思賢匪風之思周道遵大
路之思君子是皆想望於心而願見之者也渭陽康
公之念母且有見其思之至也陟岵孝子之思念母父
蓋始乎思卒乎念至誠之心有加而無已也斯其以
為孝歟憂者懼之至懼者恐之至慮之深然後至於
恐何以知之防有鵲巢之憂讒而詩曰一日不見如
三月兮此懼之所以深於憂也哀者主於人傷者主
於已主於人者措之於無可奈何之域而直其志而
已主於已者感於內而形之於外而且嗟其如此也
故日月錄衣終風故謂皆莊姜傷已之詩也蕩則周
室大壞蕩然無復紀綱文章故異矣周室之顛覆閔

之而已壞未至于顛覆故猶有感傷之心若夫黃鳥
之哀三良則矜亡而已所謂閔睢哀而不傷者蓋桀
紂之已亡而不傷感於心也至於東門之疾亂鷓鴣
之救亂野有死麇之惡無禮蝮蝮之止奔擊鼓之怨
州吁旄丘之責衛伯小明之悔任亂世柏舟之言仁
人不遇均亂一言疾一言救何也無禮則止而淫矣
亦可惡州吁之用兵何以不責衛伯之不脩職何以
不怨仁人不遇則曰言仕於亂世則曰悔古人豈徒
言哉亦各有所主而已蓋亂在下可以救不可以疾
亂之在上則可以疾不可以救故管蔡之亂所謂在
下者也徒疾之而已則傷於仁此鷓鴣之所以救也

幽公淫荒之亂所謂在上者也孰能救之哉東門之
粉所以疾也惡者化之在乎上止者化之在乎下在
亂世而文王之化為已行而下之人皆知無禮之可
惡此楚有死厲不言止而言惡也民未知淫奔之恥
而衛文公以道化其民而使之不齒則其所以化之
者在乎上而不存乎下也此蝮螫所以不言惡而言
止也怨之者尤有景慕之心而責之者過其不能行
所當行蓋詩人愛之重所以怨之深待之厚所以責
之重至夫事在可怨之域而吾且不怨者是以無知
也猶有不然而責之猶有不責者雖州吁之暴猶有
景慕之心此固人所以怨也脩方伯連師之職衛伯
之所當行也此旒丘所以責之也悔者追其事而已
言直言其過之所過仕於亂世者既往之咎也此小
明所以悔也若君子不憂已之老特言之而不刺然
後可以謂之仁此相舟所以言仁人也與

毛詩名物解卷之十八

宋蔡卞元度

集解

雜解

鳥獸總解 十五國風次序

鳥獸總解 附昆蟲魚草

飛鳥隱顯以德而不苟於棲食聚羽從之而不可以
群者鳳也音聲顏色之好去就語默之時能遷而擇
所止者黃鳥也潔白高舉鳴以時而遠聞者鶴也潔
白以群上下有儀飛而有容者鷺也知時以其正來
知所享乳而去者燕也鳴以驚晨而不以晦明而變
者雞也摯而和別而通常於水中於中洲者鸕也疆

而別勤於積累以成業者鵲也鶉微而強者也鳴鳩
用心之一而養常均而止於一者也均母道也一婦
道也關雉一宿一鳥難致而難奪者也難致賢者也
難任使者也晨風能擊而才鷲者也雉外文明而內
耿介守域而別者也鷓雉之微也鳳凰之耦也鷓鴣
之大者也倉庚黃鳥之記時也鷲斯飛食必以遲而
飛緩以樂者也鵲鵲愛其類行搖必以顧飛急必以
鳴者鷲斯其孝天性也鵲鵲飛鳴相顧而欲君之始
終自勤者也鷓鴣巧於綢繆其室常繫於危者也桃
蟲潛於微而拚然大以飛者也鳧鷖飛上謹於水陸
氏謂水鳥之愿者也鷓鴣鳥之惡者也鳩微而飛宜下

不宜高者也鶉沾滯得尤不以力者也桑扈竊脂猶
終鶯然以文其外者也隼鷲而卑苟不可上則飛以
揚者也麟信者也騶虞仁者也麟趾也角也麋微而
鹿大者也禮進也狝蕃而縱盛者也豸大而縱微者
也鹿懇誠而鳴以相呼者也虎噬而不可暴者也狼
跋踰尾而不失其貪也牛順而強者也羔裘以豹飾
則武者也羔裘而豹裘暴者也狐疑而不果者也狐
裘服以燕者也狐裘服以朝則不強於政治者也狐
裘蒙茸則亂不果於亂難也兔物之狡者也馬臣道
也馭馬之用可必者也乘黃色之純者也乘牡色之
壯者也乘駟文之錯者也白駒潔其德而未用者也

乘馬也乘駒也大馬異於前而御彌善故兩駮如舞
周旋而有節也雁行而有序也如手駮和而一體也
維駒也維騏也維駮也維駟也如絲組有文也沃若
非特如濡也既均非特如絲也駟馬之善不在於牧
而在於思也思而誠舉而措之於獸無不得其所者
矣考牧擾之以順其性摩之以制其放者也知牧人
之道也草蟲鳴而阜螽趨趨而從者習而知和隨者
也螽斯不妬忌則物之大也不妬無忌則人之聖也
蟋蟀微而能鳴以時者也而君有不能及時以樂者
也蜉蝣無恃而生而徒飾其羽者也青蠅飛則營止
則污而糝黑白者也蜩微而鳴以時者也莎鷄微而

羽有聲者也熠燿微而霄有明者也伊威生於室蠨
蛸生於戶此室家之望女也蜩有情柳無情以有情
附於無情而恃以鳴淵無知葦無情以無情寄與無
知而恃以生何父之不如也此磯之怨也螟蛉非果
羸類也果羸負之化而類者也人之於人類也非易
於感而化之者也獠於木塗附性者也人之於性亦
善也則易於感而化之者也魚柔而隱求之以道則
得而易制者也其象則賢也匹也夫婦也其藏於深
眇而求之必以誠者也罩汕不以一方求者也蓋至
誠而求者必嘉魚而方其誘之則必魴與鯉也在淵
也在渚也就有道者也在藻也在蒲也樂有德者也

知烹魚則知治者也知燿則知化者也沼也潛也皆
不得其道者也鈞有道不取而有得者也緝也綸也
干也所以均也眾也網也筍也所以求也罟非以求
鱒魴者也眾非所施葭茨者也魚網求於下而鳩羅
之乃得乎上者也發筍發我士者也敝筍無能制者
也罟寡婦之筍而微者也而所爨者鱗鱖也魴鯉也
鮪鯉也筍微而魚愈大萬物衆多者也止而靜者也
荇浮於水而根於水則制禮而不制於禮者也蘋浮
於水而不根於水藻根於水而不浮於水者也以喻
大夫能脩法度而已不盡禮之本末者也芹浮於水
則出於禮者也萍根於水則法於禮者也菰根於水

浮於水不制於禮者也始采芹終采菰泮水序也薇
蕨甚微而采於南山蕩於取者也始薇之作而至於
剛感於時以叙其情者也蕭薇物其香可上達者也
蓼蕭之零露者下以誠上達上以擇及下者也茅柔
潔而理直可藉包者也萑茹之方生至柔而順潔者
也牧君之道也夷夫人之德也草柔而蔓於埜則民
也露薄於蔓草則澤不流者也露在豐草杞棘則晏
諸侯者也采葛締袷微采 祭祀大也采艾療疾急
也事大者讒愈至故慎之一日如三月以至三歲甚
矣旨茗美而可食旨鷓爰草也防安鵲巢而不驚却
養者若而不害者也君於其宜安養者乃驚之讒以

而使憂害之以賊其使懼者也苓也苦也葑也采於
首陽未必然未必虧然者欲使究其實則以言始聽
護者也曰憂曰懼則被言已信讒者也止於樊止於
棘止於榛讒漸入也故卒於構我二人也

十五國風次序

國風二南所以訓後世也次以衛鄭王所以責王也
又次之以齊魏唐所以責二伯也又次之以秦與陳
所以見先王之澤未泯也又次之以檜與曹所以見
民心之恩治也終之以豳所以見王化可得而復也
夫國風之正莫如二南國風之變莫如鄭衛二南之
美先王所自出也鄭衛之惡誰為之哉為天子者不

能以正之耳故以王夷於鄭衛之間而於鄭衛次於
二南之後也齊桓也晉文也假仁義以長諸侯宜以
存亡繼絕為事也魏之見滅於晉也桓不能救文不
能復孰謂其能長諸侯也故以魏夷於齊唐之間而
以齊唐次於鄭衛之後也齊也陳也以爵言也則秦
附庸也陳諸侯也以地言之則秦者西夷也陳中國
也以世系言之則秦伯翳之後陳乃帝舜之後也然
秦得周地之故而其俗美陳以此荆楚之故而其俗
亂夫王者既如彼伯者又如此天下風俗日以謬亂
而秦風獨不變於是乎深見先王之澤也故以陳次
秦而以秦次於齊唐之後也夫先王之澤也未泯則

天下之心其思先王也曷維其已故檜有匪而曹下
泉之作焉此檜曹所以次於秦陳之後以夫天下之
心思先王德澤如此則天子諸侯追復文武之基業其
理豈不甚難哉特不爲之耳故以豳風終焉而豳風
者變克正危克扶之詩也

毛詩名物解卷之十八

毛詩名物解卷之十九

宋蔡卞元度

集解

雜解

衣服解 木瓜解

衣服解

日月天明星辰天精也此道之成象在上者其施於
人也則仁而已仁則靜獨立而不改者山也仁而動
周行而不殆者龍也仁之於道其常体如山其變用
如龍其接物也則禮而已交有時別有倫其文發於
自然者華蟲也日月星辰四物二十八也舍者星也
星以經之辰以緯之星合而為一章山龍二物也合

以象天仁華蟲一物離以象天禮凡此皆天德也故
作繪而在上虎義獸雌智獸也其體畫於宗彝此道
之成器而在下者其清足以潔已而可薦羞者藻其
明足以燭物而可以烹治者火以義潔已而其清欲
如藻以智燭物而其明欲如火言宗彝次言以藻火
米養人者也養人不可以無物故次以黼黻者制物
制物不可以無辨故次之以黻凡此皆人德也故締
綉而在下天道則象也其出與萬物相見故衣繪始
於象而終於華蟲華蟲南方之物也人道則器也其
人則與萬物相辨故綉始於器終於黻黻者北方之
物也以方言之於文兩人相背為比以物言之於象

兩已相背為黻蓋方以類聚者仁也其相背也亦以
仁政比象兩人相背之形物以群分者義也其背也
亦以義故黻間雖異人殊世而固有前後相成彼此
相從若合符節若此之類也舜有十二章而至周為
九者則天道之數者帝也法天道之數者王也蓋六
陰六陽其類有十二章焉而易曰立天之道曰陰與
陽此偶數之在道者也九則陽道而已而易曰用九
天德不可為首也此奇數之在德者也王者下體天
德上法天道故其所服者九章而已至於旒之施於
冕旒之施於瑱則其數皆十焉(二)蓋觀而法之者天
道之數也裘冕內服大裘所以象天道外被華裘所

以象天德質足以象道天文足以象天德此天之所
以亨也故祀昊天上帝則服大裘而冕生先王以方
外徃超分域之外而神明者也先公以域中來守分
域之內而文明者也故祀先王則衮冕祀先公則鷩
冕饗所以交之也射所以別之也故饗射衣以鷩冕
者交有時別有倫者也虎有義德雖有智信而君子
以為仁也柔於義剛於仁者靜於義者動也山以形
結之而成剛故以虎義象其剛水以柔融之而成動
故以雉智象其動義足以象其剛智足以象其動此
四望山川之所以享也故祀四望山川則毳冕絺冕
象其利之周廣也故祀社稷五祀則緇冕玄冕象其

功之微昧也故群小祭則玄冕韋弁之色赤冠弁之
色黑赤者南方之色黑者正北方之色也先王於武
事方其以仁致天討則象德而生方其以義教民
戰則尚威而主殺故兵事韋弁服田事冠弁服至於
祀朝則又以西方之白焉白正秋色春動也而其氣
和秋靜也而其氣肅蓋先王之於朝事以靜應庶事
以肅歛庶功朝事皮弁服自玄冕象兩已相背之形
舜典於裳言緇則知名衣之在冬而其上則有裘矣
周官以衣言裘則知名裳之在夏其在下則有緇矣
裘者其質自天故於衣見之緇者其文自人故於裳
見之文者夏也質者冬也此冕服十二章舜欲觀焉

者也王者相變至周而以日月星畫於旌旗所謂三
辰旂旗昭其明也冕服九章登龍於山登火於宗彝
尊其神明也蓋不体乎天道不可以為帝不躬乎天
德不可以為王故舜十二章自日月始而周之九章
則自交龍始龍神物也變以象天德火明物也化而
象人德登龍於山所以尊神以象其聖治聖治者道
化也登火於宗彝所以尊明以象其孝治孝治者德
教也以天道帝者則於人欲俯而親之以為教故舜
之宗彝繡於裳以天德王者則於天道欲仰而觀之
以為化故周之日月星辰衮冕言其義鷩冕言其名
毳冕言其物絺冕言其數玄冕言其色冕旒也其服

在首欲其俯首以接物而志彌下也衮卷其服在身
欲其屈身以接物而體彌恭也青質五色皆備成文
章翠也素質五色備而成文者綸也青質仁素質義
而五色以文者禮也故曰后六服一曰翟翟二曰綸
翟鷩則質不足乎翠文不足乎綸下王后一等故侯
伯之下自鷩冕而下也王后配王者也侯伯事王者
也故古之人遠取諸物而其制服也如此舜典言華
蟲而於此言鷩冕舜典宗彝而於此言毳冕舜典言
粉米而於此言絺冕統而言之毳冕別而言之華蟲
者之物矣又言鷩冕以名之物粉米者名之矣而又
言絺冕以數之也蓋古之人立法非特見於一書之

而下先王所以事神之服也故其衣繪以象其裳黼以器自韋弁而下先王所以治之人服也故衣裳示之以色視而已象陽也色陰也事人主禮故其服曰冕欲其自下也治人主義故其服曰弁欲其自取也先儒云冕俛也弁樊也先王之制芾也所以蔽膝自玄冕而上故謂鞞自前弁而下皆謂鞞惟士服之爵弁兵服之冠弁則又謂之鞞左傳曰玄衮鞞珽而鄭氏亦云冕服謂之鞞也儀禮於皮弁亦言爾素鞞於玄冠言緇鞞於玄言爵鞞自皮弁而下謂之鞞之鞞也禮云爵弁纁裳純衣鞞鞞此士服之爵弁謂之鞞之鞞也詩曰鞞鞞有奭以作六師此兵服之冠弁

謂之鞞之鞞也古者大朝覲會同其首皆冕其服皆芾其足皆舄而車攻於會同赤芾金舄采菽言朝覲則^云赤芾在股則朝服亦謂之鞞不特施于祭祀也又素冠祥祭之冠也素鞞釋祭之鞞檜風刺不能三年而始於素冠終於素鞞而祭服亦謂之鞞不特施於朝服也先儒云祭祀謂之鞞朝覲請之鞞非是也鞞從友蓋言其容也說文云以大夫貌言其行則刺友子之足容能白刺也詩曰赤芾在股邪幅在下明君故芾之刺足如此鞞言合蓋言其體也鄭氏云未合如此制字芾從一蓋先王制服始於芾上古未有衣服上有一芾蔽前如此故芾之制字如此鞞從卑蓋言君子之制服訖於鞞凡服始於冕畢於鞞南方之色

下朱一等

木瓜解

齊桓以諸侯而擅封諸侯非禮也衛國思其恩而美之則可矣以此為齊桓之美則有所不可故木瓜不列於齊而繫於衛也孔子曰吾於木瓜見苞苴之禮行苞苴之禮小者也然周之末世強凌弱下暴上襲暴寡而其禮亦從而亡故小國竭節藏以奉大國而大國不以為統大國少有以及小國則小國罄其所存以為報齊桓以信義及於諸侯而諸侯率懷其德而不專畏其力故問遺得以稱其重輕以為禮此孔子所以嘆其能行苞苴之禮也瓊琚玉也瓊瑤石之

似玉者也瓊玖之次於瓊瑤者也有女同車言珮玉瑋琚則琚之為玉明矣篤公劉言維玉及瑤周官太宰贊王用玉爵內宰贊后用瑤爵則瑤非爵也石之似玉者也丘中有麻言貽我佩玖而不言玉又庶人得寶而有之則其次於瑤也又可知矣木瓜美而且大者也木桃次之木李又次之衛雖以齊有功於已而厚報之然後遺我之物有殺則我亦得稱其投之物而厚為之報自非不畏其力而懷其德則安敢輕重自恕哉於此蓋有以見齊桓之美而又以見衛文亦不敢以姑息肆愛於大國也然所報之物既有殺矣而叙之衛人欲厚報者蓋彼投我以木瓜果耳我

報之以璫玉耳是以雖有殺而不失其為厚報也

毛詩名物解卷之十九

毛詩名物解卷之二十

宋蔡卞元度

集解

雜解

廟制 詩序統解

廟制

臣等謹案周禮夏后氏世室堂修二尺廣四修一五
室三四步四二尺殷人重屋堂修七尋崇三尺四阿
重屋周人明堂東西七筵南北七筵堂宗一筵五室
二筵鄭氏謂世室宗廟也重屋王宮正室若大寢或
舉宗廟或舉王寢或舉明堂互言之明其同制周書
亦曰太廟路寢明堂咸有四阿重亢重廊復格藻絜

設移旅楹內皆玄陛提堂山墻臺門玄閭則三者同制
明矣故明堂位曰太廟天子明堂而月令仲夏天子
居明堂太廟先儒謂明堂制與太廟同亦曰太廟也
然則天子太廟五室土室居中火室於四室故謂之太
室書曰王入太室裸是也其左為東房其右為西房
皆南其戶而木室在東北火室在東南金室在西南
水室在西北木室東戶火室南戶金室西戶水室北
戶詩曰築室百堵西南其戶傳曰或西其戶或南其
戶而家語又曰賜觀太廟之堂未既還瞻北闕皆新
西戶謂金室北戶謂水室也四室中央太室亦曰夾
室劉熙釋名曰房旁也在堂兩旁也夾室在堂西頭

故曰夾出夾室皆在前室謂之廟爾雅所謂室有東
西廂曰廟無東西廂有室曰寢而覲禮云凡侯於東
廂是也說者謂天子宗廟無廂夾不已誤乎其四中
則南曰明堂北曰玄堂東曰青陽西曰總章太廟東
居玄室太廟孟月皆居左个季月皆居右个是也至
於閏月則闔門左扉立于其中而退適路寢居門終
月鄭氏謂於文王在門謂之閏則太廟在先王平生
所居在明堂路寢同制五室十月二座理宜然也或
曰太廟與路寢明堂同制則上有五室不得有房又
惑矣按書路寢實有東房西房東夾西夾而明堂位
曰太廟天子明堂則魯用天子禮樂太廟如明堂制

而季夏六月以禘禮祀周公於太廟君袞冕立於降階夫人副禕立於房中則太廟路寢明堂有房明矣今先所圖上廟制欲以入廟約少牢大夫宗廟為之雖增四阿重檐山節藻栒堂九尺堦九等略應王禮而無王室無堦又以房為北堂且謂房無北壁故得北堂之名夫堂與房異著矣安有為房而無北壁者哉其制既非而又無臺門玄闈內堦玄陛山墻賁鏞之飾累棟複格設移四門遠嚮黑楹丹桷藻井之制至於饔饗又在廟中西堂下此復續儀禮之誤也說者謂饔而在西堂下逼西壁謂之天饗置於廟中理不安矣况欲逼宗廟西壁為之乎說者或謂西壁謂


西墻也按儀禮有曰西墻有曰西壁則壁與墻異矣臣等考之特生饋食曰主人服如初立於門外東方南面視側殺主婦視饔饗於西堂下蓋堂謂門側之室爾雅曰門側之室謂之塾近人曰門堂三之一古者饗在廟門外或在東或在西故饔饗在廟門下之西堂下少牢饋饋食云雍饗在門東南北之廩饗在雍饗之禮特放饋食云特饗在廟門外東南魚腊在其南皆西面饔饗在其西北壁士虞禮曰側享於廟門外之右東面魚腊饗亞之北上饔饗在東壁西面由是觀之饔饗在廟門外之西堂下逼西壁為之明矣故曰饔饗在西壁又曰主婦視饔饗於西堂下臣

則悲忿有所不已則不能無怨欲有所不獲則不能
無思事有所不當則不能無嗟理有所不足則其氣
不能無嗟此詩之所謂情也窮之則鬱達之則舒或
屈或伸或拘或肆或遠或近或小或大義之所起則
不能以辭害之謂之所止得以意逆之命之所止則
况之而以其言要其所歸則導焉而以其趨此詩之
所謂志也貴極於王公大人之所作賤極於羈臣小
夫之謂所為抑揚天下之至情包羅萬物之至理曲而
有所端聚而有所謂升請而有所謂正微而有所謂
彰在所可言也故雖侈而不疑於諄在所畧也則雖
約而不疑為簡此詩之所謂言也不止於美而有所

謂嘉不止於規而有所謂誨雖亂而在所矜也則閔
之而不以傷雖過而在所可怒也則哀之而不刺方
其致嚴也雖天子亦貶之於風方其致美也雖諸侯
而進之於頌此詩之所謂法也故昔之能詩者正其
六義之歸辨其四始之叙取其辭義之合於禮義者
著於篇使學而循之者可以言體而行之者可以治
修身接物事父事君論其粹則可以美教化移風俗
論其妙則可以動天地感鬼神故古之作樂者則取是
以文之也古之燕飲者則取是以賦之可也以導和
可以見志薰而為佳氣止而為中聲雅正之音歌頌
之美洋溢乎上下疏導乎陰陽則詩之所施豈曰小

補之哉作詩者不知起於何代然自生民之能言則
詩之道已具矣康成以為詩不起於上皇之世豈其
然乎作序者不知自於何人然非深通乎法言莫之
能為也或以謂子夏衛法宏之所為則疑其不能及
也孟子曰王者之迹熄而詩亡詩亡然後春秋作然
則所謂詩亡者非詩亡也禮義之澤熄然而已矣變
風變雅之作而知止乎禮義當是時詩尚存也非其
禮義之澤熄然後詩之道亡矣何也蓋詩者禮義之
所止故也雅詩亡則美刺之法廢春秋作褒貶之法具
使詩之道尚存則愚知春秋不作矣蓋美刺之法而
無褒貶以繼其後則亂臣賊子無所忌憚而接迹於
後世矣古之君子號為善救天下者如此道而已矣
雖然能詩者豈曰言治人之間而已哉亦知其所致
而已矣不然孔子之進子夏何以言告諸往而知來
者





Handwritten text, possibly bleed-through from the reverse side of the page. The text is faint and difficult to decipher but appears to be organized into several lines.

跋

右毛詩名物解鈔本二冊曾藏曾氏靜惕
朱氏潛采有圖記可證也表兄盛封三
祝齡得諸梅里叔家蠹蟬所蝕幾無
完帙屬苦估重裝以詒吾友徐夢初光
濟王益校讀一過見體仿余足類有可
觀惟自駟玉弄不入釋獸而別出釋馬
未免失例庚子仲春朱王益識



